


佛說父母恩重難報經



佛說父母恩重難報經

佛說父母恩重難報經

姚秦三藏法師鳩摩羅什奉 詔譯

如是我聞：

一時佛在舍衛國祇樹給孤獨園，與大比丘二千五百人，菩薩摩訶薩三萬八千人俱。

爾時，世尊引領大眾，直往南行，忽見路邊聚骨一堆。爾時，如來向彼枯骨，五體投地，恭敬禮拜。

阿難合掌白言：『世尊！如來是三界大師，四生慈父，眾人歸敬，以何因緣，禮拜枯骨？』

佛告阿難：『汝等雖是吾上首弟子，出家日久，知事未廣。此一堆枯骨，或是我前世祖先，多生父母。以是因緣，我今禮拜。』

佛告阿難：『汝今將此一堆枯骨分做二分，若是男骨，色白且重；若是女骨，色黑且輕。』

阿難白言：『世尊，男人在世，衫帶鞋帽，裝束嚴好，一望知為男子之身。女人在世，多塗脂粉，或薰蘭麝，如是裝飾，即得知是女流之身。而今死後，白骨一般，教弟子等，如何認得。』

佛告阿難：『若是男子，在世之時，入於伽藍，聽講經律，禮拜三寶，念佛名號；所以其骨，色白且重。世間女人，短於智力，易溺於情，生男育女，認為天職；每生一孩，賴乳養命，乳由血變，每孩飲母八斛四斗甚多白乳，所以憔悴，骨現黑色，其量亦輕。』

阿難聞語，痛割於心，垂淚悲泣，白言：『世尊！母之恩德，云何報答？』

佛告阿難：『汝今諦聽，我當為汝，分別解說：母胎懷子，凡經十月，甚為辛苦。在母胎時，第一月中，如草上珠，朝不保暮，晨聚將來，午消散去。母懷胎時，第二月中，恰如凝酥。母懷胎時，第三月中，猶如凝血。母懷胎時，第四月中，稍作人形。母懷胎時，第五月中，兒在母腹，生有五胞。何者為五？頭為一胞，兩肘兩膝，各為一胞，共成五胞。母懷胎時，第六月中，兒在母腹，六精齊開，何者為六？眼為一精，耳為二精，鼻為三精，口為四精，舌為五精，意為六精。母懷胎時，第七月中，兒在母腹，生成骨節，三百六十，及生毛孔，八萬四千。母懷胎時，第八月中，出生意智，以及九竅。母懷胎時，第九月中，兒在母腹，吸收食物，所出各質，桃梨蒜菓，五穀精華。其母身中，生臟向下，熟臟向上，喻如地面，有山聳出，山有三名，一號須彌，二號業山，三號血山。此設喻山，一度崩來，化為一條，母血凝成胎兒食料。母懷胎時，第十月中，孩兒全體一一完成，方乃降生。若是決為孝順之子，擎拳合掌，安詳出生，不損傷母，母無所苦。倘兒決為五逆之子，破損母胎，扯母心肝，踏母跨骨，如千刀攪，又髻鬚似萬刃攢心。如斯重苦，出生此兒，更分晰言，尚有十恩：第一、懷胎守護恩；第二、臨產受苦恩；第三、生子忘憂恩；第四、咽苦吐甘恩；第五、迴乾就濕恩；第六、哺乳養育恩；第七、洗濯不淨恩；第八、遠行

佛說父母恩重難報經

憶念恩；第九、深加體恤恩；第十、究竟憐愍恩。

第一、懷胎守護恩 頌曰

累劫因緣重，今來托母胎，月逾生五臟，七七六精開。
體重如山岳，動止劫風災，羅衣都不掛，粧鏡惹塵埃。

第二、臨產受苦恩 頌曰

懷經十箇月，難產將欲臨，朝朝如重病，日日似昏沉。
難將惶怖述，愁淚滿胸襟，含悲告親族，惟懼死來侵。

第三、生子忘憂恩 頌曰

慈母生兒日，五臟總開張，身心俱悶絕，血流似屠羊。
生已聞兒健，歡喜倍加常，喜定悲還至，痛苦徹心腸。

第四、咽苦吐甘恩 頌曰

父母恩深重，顧憐沒失時，吐甘無稍息，咽苦不顰眉。
愛重情難忍，恩深復倍悲，但令孩兒飽，慈母不辭饑。

第五、迴乾就濕恩 頌曰

母願身投濕，將兒移就乾，兩乳充饑渴，羅袖掩風寒。
恩連恆廢枕，寵弄纔能歡，但令孩兒穩，慈母不求安。

第六、哺乳養育恩 頌曰

慈母像大地，嚴父配於天，覆載恩同等，父娘恩亦然。
不憎無怒目，不嫌手足攣，誕腹親生子，終日惜兼憐。

第七、洗滌不淨恩 頌曰

本是芙蓉質，精神健且豐，眉分新柳碧，臉色奪蓮紅。
恩深摧玉貌，洗濯損盤龍，只為憐男女，慈母改顏容。

第八、遠行憶念恩 頌曰

死別誠難忍，生離實亦傷，子出關山外，母憶在他鄉。
日夜心相隨，流淚數千行，如猿泣愛子，寸寸斷肝腸。

第九、深加體恤恩 頌曰

父母恩情重，恩深報實難，子苦願代受，兒勞母不安。
聞道遠行去，憐兒夜臥寒，男女暫辛苦，長使母心酸。

第十、究竟憐愍恩 頌曰

父母恩深重，恩憐無歇時，起坐心相逐，近遙意與隨。
母年一百歲，常憂八十兒，欲知恩愛斷，命盡始分離。』

佛告阿難：『我觀眾生，雖紹人品，心行愚蒙，不思爹娘，有大恩德，不生恭敬，忘恩背義，無有仁慈，不孝不順。阿娘懷子，十月之中，起坐不安，如擎重擔，飲食不下，如長病人。月滿生時，受諸痛苦，須臾產出，恐已無常，

佛說父母恩重難報經

如殺豬羊，血流遍地。受如是苦，生得兒身，咽苦吐甘，抱持養育，洗濯不淨，不憚劬勞，忍寒忍熱，不辭辛苦，乾處兒臥，濕處母眠。

三年之中，飲母白血，嬰孩童子，乃至成年，教導禮義，婚嫁營謀，備求資業，攜荷艱辛，懃苦百倍，不言恩惠。男女有病，父母驚憂，憂極生病，視同常事。子若病除，母病方愈。

如斯養育，願早成人。及其長成，反為不孝。尊親與言，不知順從，應對無禮，惡眼相視。欺凌伯叔，打罵兄弟，毀辱親情，無有禮義。雖曾從學，不遵範訓，父母教令，多不依從，兄弟共言，每相違戾。出入來往，不啟尊堂，言行高傲，擅意為事。父母訓罰，伯叔語非，童幼憐愍，尊人遮護，漸漸成長，狠戾不調，不伏虧違，反生嗔恨。棄諸親友，朋附惡人，習久成性，認非為是。

或被人誘，逃往他鄉，違背爹娘，離家別眷。或因經紀，或為政行，荏苒因循，便為婚娶，由斯留礙，久不還家。

或在他鄉，不能謹慎，被人謀害，橫事鈎牽，枉被刑責，牢獄枷鎖。或遭病患，厄難縈纏，囚苦饑羸，無人看待，被人嫌賤，委棄街衢。因此命終，無人救治，膨脹爛壞，日暴風吹，白骨飄零。寄他鄉土，便與親族，歡會長乖，違背慈恩，不知二老，永懷憂念，或因啼泣，眼暗目盲；或因悲哀，氣咽成病；或緣憶子，衰變死亡，作鬼抱魂，不曾割捨。

或復聞子，不崇學業，朋逐異端，無賴粗頑，好習無益，鬥打竊盜，觸犯鄉閭，飲酒樗蒲，姦非過失，帶累兄弟，惱亂爹娘，晨去暮還，不問尊親，動止寒溫，晦朔朝暮，永乖扶侍，安床薦枕，並不知聞，參問起居，從此間斷，父母年邁，形貌衰羸，羞恥見人，忍受欺抑。

或有父孤母寡，獨守空堂，猶若客人，寄居他舍，寒凍飢渴，曾不知聞。晝夜常啼，自嗟自歎，應奉甘旨，供養尊親。若輩妄人，了無是事，每作羞慚，畏人怪笑。

或持財食，供養妻兒，忘厥疲勞，無避羞恥；妻妾約束，每事依從，尊長瞋呵，全無畏懼。或復是女，適配他人，未嫁之時，咸皆孝順；婚嫁已訖，不孝遂增。父母微瞋，即生怨恨；夫婿打罵，忍受甘心，異姓他宗，情深眷重，自家骨肉，卻以為疏。或隨夫婿，外郡他鄉，離別爹娘，無心戀慕，斷絕消息，音信不通，遂使爹娘，懸腸掛肚，刻不能安，宛若倒懸，每思見面，如渴思漿，慈念後人，無有休息。

父母恩德，無量無邊，不孝之愆，卒難陳報。』

爾時，大眾聞佛所說父母重恩，舉身投地，搥胸自撲，身毛孔中，悉皆流血，悶絕躄地，良久乃蘇，高聲唱言：『苦哉，苦哉！痛哉，痛哉！我等今者深是罪人，從來未覺，冥若夜游，今悟知非，心膽俱碎，惟願世尊，哀愍救援，云何報得父母深恩？』

佛說父母恩重難報經

爾時，如來即以八種深重梵音，告諸大眾：『汝等當知，我今為汝分別解說：假使有人，左肩擔父，右肩擔母，研皮至骨，穿骨至髓，遠須彌山，經百千劫，血流沒踝，猶不能報父母深恩。

假使有人，遭饑饉劫，為於爹娘，盡其己身，鬻割碎壞，猶如微塵，經百千劫，猶不能報父母深恩。

假使有人，為於爹娘，手執利刀，剜其眼睛，獻於如來，經百千劫，猶不能報父母深恩。

假使有人，為於爹娘，亦以利刀，割其心肝，血流遍地，不辭痛苦，經百千劫，猶不能報父母深恩。

假使有人，為於爹娘，百千刀戟，一時刺身，於自身中，左右出入，經百千劫，猶不能報父母深恩。

假使有人，為於爹娘，打骨出髓，經百千劫，猶不能報父母深恩。

假使有人，為於爹娘，吞熱鐵丸，經百千劫，遍身焦爛，猶不能報父母深恩。』

爾時，大眾聞佛所說父母恩德，垂淚悲泣，痛割於心，諦思無計，同發聲音，深生慚愧，共白佛言：『世尊！我等今者深是罪人，云何報得父母深恩？』

佛告弟子：『欲得報恩，為於父母書寫此經，為於父母讀誦此經，為於父母懺悔罪愆，為於父母供養三寶，為於父母受持齋戒，為於父母布施修福。若能如是，則得名為孝順之子；不作此行，是地獄人。』

佛告阿難：『不孝之人，身壞命終，墮於阿鼻無間地獄。此大地獄，縱廣八萬由旬，四面鐵城，周圍羅網。其地亦鐵，盛火洞然，猛烈火燒，雷奔電爍。烱銅鐵汁，澆灌罪人，銅狗鐵蛇，恆吐煙火，焚燒煮炙，脂膏焦燃，苦痛哀哉，難堪難忍，鈎竿鎗槊，鐵鏘鐵串，鐵槌鐵戟，劍樹刀輪，如雨如雲，空中而下，或斬或刺，苦罰罪人，歷劫受殃，無時暫歇。又令更入餘諸地獄，頭戴火盆，鐵車碾身，縱橫駛過，腸肚分裂，骨肉焦爛，一日之中，千生萬死。受如是苦，皆因前身五逆不孝，故獲斯罪。』

爾時，大眾聞佛所說父母恩德，垂淚悲泣，告於如來：『我等今者，云何報得父母深恩？』

佛告弟子：『欲得報恩，為於父母造此經典，是真報得父母恩也。能造一卷，得見一佛；能造十卷，得見十佛；能造百卷，得見百佛；能造千卷，得見千佛；能造萬卷，得見萬佛。是等善人，造經力故，是諸佛等，常來慈護，立使其人，生身父母，得生天上，受諸快樂，離地獄苦。』

爾時，阿難及諸大眾、阿修羅、迦樓羅、緊那羅、摩睺羅伽、人非人等、天、龍、夜叉、乾闥婆、及諸小王，轉輪聖王，是諸大眾聞佛所言，身毛皆豎，悲泣哽咽，不能自裁，各發願言：我等從今盡未來際，寧碎此身猶如微塵，經

佛說父母恩重難報經

百千劫，誓不違於如來聖教；寧以鐵鈎拔出其舌，長有由旬，鐵犁耕之，血流成河，經百千劫，誓不違於如來聖教；寧以百千刀輪，於自身中，自由出入，誓不違於如來聖教；寧以鐵網周匝纏身，經百千劫，誓不違於如來聖教；寧以剉碓斬碎其身百千萬段，皮肉筋骨悉皆零落，經百千劫，終不違於如來聖教。』

爾時，阿難從於坐中安詳而起，白佛言：『世尊，此經當何名之？云何奉持？』

佛告阿難：「此經名為『父母恩重難報經』，以是名字，汝當奉持！」

爾時，大眾、天人、阿修羅等，聞佛所說，皆大歡喜，信受奉行，作禮而退。

迴向：

我等以此印經功德，願同法界一切眾生，
增益壽命不復中天，家宅平安身心安康。
不墮地獄餓鬼畜生，不墮魔王及魔眷屬，
不墮藥叉羅剎道中，不受災橫死亡果報。
若有無間地獄罪業，皆悉消除得宿命智，
臨命終時諸佛現前，迎生淨土速證菩提。

註：

男子由無量劫來。福力與業力關係。較勝一籌。而為男子。因於無量劫前。得聞佛法。生信向心。歡涌心。早植善根。以是善業因緣故。生生世世。死後尚留骨白而重之一定証據。為喚醒一切世人。向化之助緣。女子由無量劫來。福力與業力關係。兩皆較弱。信向不堅。易起惑障。而為女流。因其無量劫中。聞法既遲。惑障又特深故。生於世間。受諸重苦。生生世世。死後骨色既次。而重量較輕。留此弱質據。為警惕一切世人。立志振拔之助緣。但因其恒受重苦故。一旦有機緣得聞佛道。多分容易領悟。深生善心。向道心堅。勇猛進修。此乃捷得轉女成男。果證菩提勝果之因。有方等部佛說轉女為男經。名轉女身經。劉宋曇摩蜜多尊者譯出。經文詳說。方便轉却女身惡業之五十五法。對面看去。男子若無緣見此希有經文。不知警惕。誤犯此五十五重罪過。即為容易失卻男身。轉為女身之必由路線。處世不聞佛口宣說之經訓。可畏有如此。可見男女之分界。全從所作黑白異致之業力中來。詹訓凡老居士詳讀此父母恩重難報經。至此節循環衡量。深恐世之未多讀經。未知大覺如來。救護眾生。徹底悲心。稍有疑誤。而生輕法謗聖罪過。亦為流通聖經於廣大世界上之一重障緣。繼念佛說大方廣善巧方便經四卷。宋西竺三藏法師施護譯出。如來再四告誡一切佛弟子。於佛口所說之經義。大宜妙契時機。廣作方便。令一切聞者。容易了解。而生勝益。老居士本此無量慈懷。切囑山人不憚其煩。於此節經文之下。加以說明。庶一切有緣。於此歷劫常新之經義。豁然了解。不生分毫疑難退屈之心。善哉。老居士為群為法之深心大願。大有裨益於今後。一切得讀此經之聖眾也。

佛說父母恩重難報經

後跋

佛光如電。徹照隱微。聖訓若雷。警醒迷妄。妙湛經義。歷萬劫而常新。希有悲懷。拔全民於重苦。維持人道。實為救世前提。推廣孝思。最係福群大事。一德開治平之先路。萬行上軌道以前驅。求賢良於孝悌之門。使滄海起安瀾之瑞。斯人在位。天下太平。是道濟時。萬方受福。熟與愛語。策進同儕。同儕進德。片言結晶。可云希有功績。誰出少資。印經三五。三五佛光。常注彼頂。自然多遇吉祥。更如聖善。樂解多金。新經行徧。地角天涯。見者聞者。同作聖賢。為群模楷。為國柱石。至化速現。太平大同。福果繁生。人間天上。循環受福。八萬大劫。先受至樂。最後入聖。成真作祖。得佛懸記。初版萬部。轉相傳語。不歷兼旬。已早滿數。此後續印。五萬十萬乃至無量。盡人為樂。各盡其誠。咸思清償。無始以來。所負恩債。恩債清償。同成完人。超凡入聖。不待西逝。此方穢地。早成淨土。世界戰禍。免再引起。干戈之息。推誠相與。殺人兇器。銷為農具。處處桃源。徧界安樂。吾儕現在。雖然地居。所享福利。幾等諸天。今付刊初。更為大眾。進一誠言。不論誰為。男女老少。人省耗費。充印經用。多印一本。量力樂施。一念方興。恩債償清。多生父母。上生天界。受福萬倍。獄鬼畜三。諸苦永除。即在自己。平日所受。一切苦事。皆仗經力。方便消除。敬本佛旨。為眾慰語。今更附言。普告廣眾。四海內外。既屬人類。一般骨肉。有苦等救。有福同享。欲免貧乏。先學破慳。施印此經。力省功多。欲除疾累。酬殺生債。印報恩經。恩債清償。諸債咸拔。被殺眾生。在多生中。也自有其親子關係。欲免愛別離。欲免怨憎會。欲免獄訟苦。欲免諸橫禍。欲免諸天災。欲免於王難。欲免多瞋習。欲免多淫障。欲免多昏沉。欲免多亂想。欲求開智慧。欲求成聖果。皆以印此經。同種勝善根。自行兼化他。一切之一切。皆克遂所願。凡得此經。誰生愧懼。苦乏資力。暫難助印。得經展讀。讚嘆歡喜。合掌敬禮。獻花供奉。如見佛面。如聆佛語。斯人厄運。變成福命。若更發心。逢人廣化。詳細講說。令皆受福。如是賢者。龍天聖眾。歡欣擁護。所向亨通。賢名四播。多生父母。賴以生天。不費分文。清償恩債。此經到處。眾福來臨。誰家先得。開卷虔誦。先說眾苦。此經可稱。萬善之聚。千福之門。經中字字。放無量光。遙空眾聖。咸皆擁護。誰荷此經。一旦遠行。涉海登山。虎伏波平。是經福人。千言難盡。略如上述。人間至寶。幸得見聞。受福非輕。

好消息……從大家心機回轉中廣播出

報恩經。羅什大師譯出已千餘年。法輪大轉。因緣成熟。好時節已到眼前。宛若電機傳動。百千萬億馬力開足。迴轉世運三大千。此經到處眾禍息。貪瞋癡妒。詐斯殘暴。眾惡吹散如輕烟。法水均沾。烏黑心中一齊產妙蓮。清償無量劫來恩債。轉暗為明。轉亂為治大關鍵。此經不久譯成各國文字。徧界廣傳宣。快能使五色民族中男女老少。同成聖哲與仁賢。從今以往。全球慶河清海晏。歡騰徧界。謳歌雅樂震瑤天。不費斗粟。不傷一人干戈息。甘雨祥風。年豐人壽。眾福來到。全從大家一念向上處迴旋。

佛說父母恩重難報經

萬般福慶全從心地出

恭賀各地方老少男女同僑。有緣得此報恩經一卷。作傳家至寶。家運一字進步。通曉文理之人能生大歡敬心。從頭至尾看去。向家人鄰里。痛切講說。講者聽者。禁不住一齊下淚。須知此幾滴淚珠。真是無價至寶。能使貧窮困苦。生計難覓。人緣不足之輩。一齊罪滅福生。交進好運。個個吉人相照。去路亨通。凡自己得到此經。歡欣鼓舞。並能廣勸親友求到此經。決然大家受用。此許多出心出力。盡量勸化之人。決定生生世世。在人天道上安享福祿。聰明才辯。萬人欽讚。此經能普徧流布人間。世界兵禍。自然不再來臨。決定眾邪絕跡。聖明在位。天災人禍。一齊免除。風調雨順。人壽年豐。世界昇平。歡聲動地。在今後三年五載間。可以眼見如此快事。

八一山人敬述

天台無際大師治人心藥方

古人留下妙良方 明目清心大補湯 世人用我諸般法 萬禍千災化吉祥
此名十八味 俱宜真正行持

孝順十二分 陰鷲全用 忠直一塊 好心一片 信行半斤 老實一個
仁義廣用 本份十分 恩惠隨施 安份八兩 小心一點 仔細十分
和氣一團 溫柔一段 戒淫去心 戒賭洗淨 方便不拘多少
忍耐一百廿個

此法用心細研為末。用波羅密為丸。如菩提子大。每服一百零八顆。引用益友三個。平心湯徐徐送下。切忌笑裏刀。暗中箭。平地風波。此方出在化人府。勸人縣。靈山會上。大藏經中。專治男婦老幼。一切不忠不孝。不仁不義。不敬天地。褻瀆神明。瞞心昧己。害眾成家。刁唆訐訟。利己損人。妒人親近。妄說是非。逞兇橫行。欺貧重富。奸盜邪淫等症。依方修治。無不應驗。
偈曰：方子由君請 妙法急急尋 看方不服法 病從何日輕

此古人留傳之妙法。屢試屢驗。人能照此方服之。福壽康寧。富貴子嗣。諸事稱心。子孫昌盛。必定如意而得。況且成仙佛之根本。亦是從善而進也